



**Quæstionum Canonicarum, In Quinque Libros  
Decretalium, Tomus ...**

In Librum V. Decretalium, Per Quadraginta, Et Unum Titulos Distributum,  
In quo agitur De Judicio criminali, exponendo primùm actiones in eo  
judicio instituendas, & suscipiendas, ...

**Schlüter, Georg**

**Augustæ Vindelicorum, 1709**

Articulus VII. An plures censuræ simul afficere possint eundem?

---

[urn:nbn:de:hbz:466:1-73064](#)

384 Tract. in Lib. V. Decretal. Quæst. XXXIX.

ait, fieri possè, vel per contritionem, vel per confessionem, vel attritionem, aut etiam infusionem gratiæ à DEO sine ullo actu hominis. Quo casu concedit, te posse illud peccatum, quod alias effectu secuto, ni retractâsses, antequam eveniret effectus externus, suisset reservatum, cuiilibet tuo confessario ordinario confiteri, modò habeat jurisdictionem in mortalia, licet non in reservata; quia causa effectus externi, ut suppono, secundum se non est reservata; nec etiam secuto effectu, si intercessit retractatio, ita ille; ergo. V.n. 2492.

1704 Deducitur 3. cum non incurre censuram accessoriæ latam in *consulentes* vel *mandantes*, qui consuluit, vel mandavit aliquid alteri, quod aliunde aquæ facturus erat; quia tunc vi sui consilii, vel mandati non influit in actum sub censura prohibitus; habent enim se in data hypothesis perinde, ac si non essent; Gibalin. disq. 5. q. 3. n. 21.

1705 Quæres, an is incurrat censuram accessoriæ latam in mandantes, vel consulentes, qui mandat, vel consilium actionem, quæ per se, & ex natura sua est inchoatio ulterioris actionis sub censura vetita; esto hæc sequatur præter intentionem mandantis. &c. Gibalinus disq. 5. q. 3. n. 12. affimat, si effectus sub censura prohibitus ut plurimum ordinariè sequi solet, esto mandans effectum alterum fieri prohibuisse; Quia tunc effectus cum tali actione sic conexus, ut ex ea ferè ordinariò sequatur, mandanti fuit voluntarius in causa; intellige tamen, nisi, ne talis effectus sequatur, adhibuerit, quam debuit, diligentiam; quam limitationem observat Bonifacius VIII. c. fin. de homicidio.

1706 Ex hoc refolvitur 1. quod mandans rapi Virginem ad malum usum, quam forte fugientem occidit mandatarius, non incurrat censuram accessoriæ latam in mandantes homicidium; quia raptus non est per se connexus cum homicidio 2. quod confessarius incurrat dictam censuram, si Reo mandet, ut delictum, ex quo illi certò per judices mors sequitur, manifestetur, quod non tenebatur. Hæc enim fuisio illicita est confessario, & per se connecta cum morte; Secus, si Reus fateti tenebatur; tunc enim Consilium Confessarii non est illicitum; & necessarium ex officio pro salute penitentis. Hinc si dicas: danti operam rei illicitæ tribuuntur omnia, quæ

ex pravo opere per se præter ejus intentionem subsequuntur, c. *Tua nos*, c. *sicut ex literarum*, c. *suscepimus*, de homicidio; ergo mandanti raptum attributur etiam homicidium Virginis à mandatario patrum. & N. conseq. quia hoc ex raptu non sequitur *per se*.

ARTICULUS VII.

*An plures censura simul afficer possint eundem?*

R Esp. 1. idem subjectum posse simul in-<sup>1707</sup> currere plures censuras diversæ rationis 1. quia potest successivè; ergo e. iam simul, quia ad simultatem non habent oppositionem 2. quia, qui occideret Clericum, ratione percussionis incurreret excommunicationem; ratione homicidii, irregularitatem; ita Leander cum commun. tr. 1. de cens. D. 3. q. 32. & targ. c. *cum pro causa*, de sent. excom. Barbola ibid. n. 2. Idem dicendum est de pluribus eiusdem rationis, & homogeneis; ut, si idem delictum prohibetur sub excommunicatione, vel à tribunalibus, vel ex causis diversis, vel à jure simul, & homine. Hinc potest quis à judicibus diversis propter unam eandem causam sibi excommunicatus, vel suspendi, si scilicet sibi, vel respectu utriusque sit contumax; tum quia potest Pontifex, & Ordinarius, idem praepare sub excommunicatione; tum quia occisor Episcopi potest, si Clericus sit, suspendi ab Episcopo originis, beneficii, & domicili. Similiter potest quis ob idem delictum, in quo diutius est contumax, sibi ab eodem excommunicari, ut notat Gibalin. disqu. 5. q. 4. n. 10. contra Alterium & Filiucium. Sic Nicolaus Papa Engeltrudam uxorem Bosonis intra septennium sibi excommunicavit, quod redire nolle ad maritum. Sapienter tamen monet Suarez à Gibalin. cit. melius esse, si iterato eadem excommunicatio denuntetur.

Quæres 1. an toties incurrat quis cen-<sup>1708</sup> suram, quoties transgreditur candem legem aliquid sub censura prohibentem; affirmativè responderet Leander q. 36. sed Gibalinus cit. n. 9. & 15. distinguit: Si censura est annexa delicto, quoties est novum delictum, ait, fore novam censuram; si vero sit tantum sententia ferenda, exfiltrat puniri tantum unâ censurâ, sive delicta plura, quæ committuntur, sint continua,

nra, sive interrupta; excipe tamen 1. nisi primum delictum fuisset punitum ante eventum secundi; sic enim nec per fictionem juris possent coalescere in unum per Ordinem ad vindictam. 2. nisi lex specialis contrarium praecipiat. Ratio autem responsionis est ex c. *Cum causa*, de sent. excom. ubi tantum semel excommunicatur, qui Clericum verberavit continuo per clavum; quod etiam affirmat Leander cit. q. 42. Si quis uno iusto feriat simul tres Clericos, incurrire tantum unam excommunicationem.

1709 Queres 2. an qui percudit clericum, qui simul est Subdiaconus, Diaconus, & Sacerdos, plures excommunications incurrat? R. quod non; quia hi gradus omnes concurrunt per modum unius, quamvis aggravent delictum intra eandem speciem. Si vero quis percudit Clericum, qui simul est Monachus, incurret duas excommunications; quia ratio Monachi non continetur intra statum Clerici, & pro qualibet circumstantia, *Clerici* scilicet, & *Monachi*, lata est excommunicatio ipso facto; ita Suarez de cens. D. 3. l. 3. n. 15. quem citat, & sequitur Gibalin. n. 33.

1710 Dices: si quis posset simul affici duabus censuris homogeneis, deberet per secundam magis privari iisdem bonis spiritualibus, quod fieri non potest, cum privatio non suscipiat magis, & minus 2. duæ censurae homogeneity sunt duæ privationes eiusdem numero formæ, sed haec nequeunt simul esse in eodem subiecto; ergo nec illæ, 3. qui violat duplex præceptum, sub eodem motivo latum, non incurrit duplum culpam; ergo nec duplum censuram. R. N. ant. sufficit enim, quod per duplum censuram novo titulo obligetur ad abstinendum à talium bonorum usu. R. ad 2. censuras non esse privationes formales, sed causales, quaenam bene possunt plures simul esse in eodem subiecto. Ad 3. N. conseq. quia ad duplum censuram sufficit duplex contumacia, 2. quia potest quis uno actu contrahere duplum obligacionem; censura autem est obligatio certis quibusdam bonis abstinendi; ergo.

### ARTICULUS VIII.

*De forma servanda, priusquam feratur cenura.*

1711 Potissima questio est hic de monitionibus præmittendis à Judice, prius Tom. V.

quam censuram ferat; an scilicet hoc ita necessarium sit, ut sine illis, aut agat illicet, aut invalidè? pro quo supponendum 1. monitionem, & comminationem à nonnullis distingui; quia *comminatio* præcedit admissionem criminis per modum cautelæ poenam comminantis transgressuro legem; *monitio* autem sequitur factum, ut Reus se emendet, vel ut Judici suam innocentiam probet, & objecta crimina diluat; quos duos fontes monitionis obseruat Innocentius Papa in c. *Proposit*, de concess. præbend. potest autem monitio fieri *judicialiter*, qua sit per modum citationis, & via juris; vel *extrajudicialiter*, scilicet non servato juris ordine, tamen nomine & autoritate habentis jurisdictionem ferendi censuram. Supponendum 2. monitionem aliam esse *canonicam*, quam alii vocant *competentem*, aliam *non canonica*. Hæc est præceptum juris, vel hominis generaliter, aut etiam in particulari, aliquid prohibens sub censura latæ sententia: illa verò est monitio, quæ quis per Superioris autoritatem admonetur modo à Canonibus præscripto, ut à delicto desistat, vel coram Judice impositum diluat.

### §. 1.

*De monitione, censura præmittenda.*

1712 Quidam est, quæ ad monitionem census præmittendam à sacris Canonibus præscribantur, ut dicatur, & sit *Canonica*? ante responsionem nota ex dicendis, censuram ferri non posse, nisi in hominem *contumaciam Ecclesia*. Unde, ut hæc in subditis reprimatur, præmitti solet admonitio, ut notat Leander tr. 1. de Cens. D. 5. q. 6. qui *contumaciam* definit, esse inobedientiam, quæ subditus ex protervo, aut obfirmato animo respuit, Judici, vel Superiori præcipienti parere, vel se sistere. Diana tr. 1. de excom. resol. 8. triplicem contumaciam assert 1. quando subditus ab Ecclesiastico Judice vocatus sub poena excommunicationis comparere renuit. 2. Quando quidem comparet, sed ante sententiam, vel licentiam Judicis discedit. 3. Quando quidem & comparet & perseverat usque ad sententiam Judicis, tamen postea, latæ sententiae parere respuit. Quarta species posset addi, cum quis *scire* aliquid esse præceptum, vel vetitum sub censura, nihilominus contra legem, vel præceptum agit. V. quæ diximus de contu-

CCC

mæ.